

摘藻堂四庫全書薈要

史部

欽定四庫全書薈要

史部

硃批諭旨卷三十

六至
九

詳校官編修臣繆晉

欽定四庫全書薈要卷七千九百二十五

史部

硃批諭旨卷三十六

硃批謝賜履奏摺



雍正元年三月二十六日巡視兩淮鹽課都察院
右僉都御史臣謝賜履謹

奏為奏明事竊臣一介寒微至愚極陋荷蒙

皇上命臣巡視兩淮鹽課兩淮重地課額繁多臣之庸

鄙曷克當茲感激

洪恩末由報稱惟有凜遵

成憲杜絕陋規恤商裕課勉竭駑駘以上報

皇恩於萬一也臣新經到任視事除祛弊緝私之外惟
銷引疏網為急務查前任鹽臣魏廷珍任內有帶
銷丁酉戌戌巳亥庚子四綱未銷殘鹽共八萬四
千九百二十引再辛丑綱魏廷珍本任內未銷鹽
十三萬九千六百零五引臣現在勸諭各商上緊
帶銷以便督運壬寅綱新鹽銷售各商皆感戴

聖恩莫不踴躍報效現今竭力裝運臣星速督銷以期
課餉充足再照兩淮鹽政頭緒紛繁遇有應請

聖訓事宜伏望

皇上洪慈容臣具摺上請一切皆蒙

睿示則臣愚得免覆餗矣伏候

聖裁批示謹

奏

應請旨者具摺奏來但若一切必候朕批示而後施行

則不可爾任內之事朕何能周知詳細一一皆為訓示
耶如此恐反致貽悞凡事須將爾之主見明晰陳奏或
有疑惑處亦必將爾之意向聲明朕以便酌量準定也

雍正元年四月十六日巡視兩淮鹽課都察院右

僉都御史臣謝賜履謹

奏為恭請

聖安事欽惟

皇上躬送

聖祖仁皇帝梓宮到陵

孝思純篤超越前古微臣奉差外省聞

聖主勤勞下情繫戀為此繕摺恭請

聖安謹

奏

朕躬頗安

皇考梓宮大事幸蒙

上蒼默祐百凡合儀得少伸子臣之心仰觀俯察

天時人事俱皆和順都中內外平靜爾不必為朕過慮特
諭

雍正元年四月二十一日巡視兩淮鹽課都察院

右僉都御史

臣謝賜履謹

奏為欽奉

上諭事雍正元年三月二十七日准戶部咨開該本部
等衙門會覆工部尚書李先復等奏前事於正月
二十六日具

題奉

旨依議嗣後如督撫與巡鹽御史各有臆見著將情由達部聽候定奪欽此遵奉在案茲准湖廣督臣楊宗仁咨開本部院衙門每年鹽規四萬兩今出示首先革除嗣後總照三十年前例每包貴賤以一錢爲准等因咨行到臣今據各商呈稱鹽觔買自場竈天時水旱不同產鹽亦多寡不一而鹽價因之從無一定且三十年前尚無織造河工銅觔等項

捐解近年增添至數十萬兩若照三十年前時價實屬虧本等情臣即將楚省陋規核算總計十五萬餘兩按數減價每包照時價減去六釐即合十五萬餘兩之數商本無虧民食亦裕等因咨行湖廣督臣去後今督臣仍照前定鹽價咨覆前來復據各商稟稱現運到楚鹽包出示後已被小販乘賤買去囤積今商等又趕運不及勢必因民間缺鹽食淡以致地方多事則商等罪不容逭哀求告

退呼籲盈廷臣思現在到楚之鹽既被小販買去
因貯後運之鹽又不能一時即到不特居民有食
淡之虞而諸商解體則新舊

國課何從辦集勢不得不具摺奏

聞伏祈

皇上亟賜

乾斷或仍照各省鹽法規例照依時價銷售或即照湖
廣督臣所定之價每包量增一二分庶可無誤遺

運而亦不致病民於

國課民生均有裨益矣為此繕摺具

奏伏候

皇上批示遵行謹

奏

所奏是今已有旨諭部令爾會同楊宗仁確議具奏矣
雍正元年六月二十日巡視兩淮鹽課都察院右

僉都御史臣謝賜履謹

奏為恭繳

硃批奏摺事臣接奉

諭旨凡有硃批奏摺俱於齎摺時呈繳欽此臣遵將為
奏明帶銷各年殘鹽數目一件為躬請

聖安事一件共二摺俱奉

硃批理合遵

旨恭繳為此具摺謹

奏

知道了汝所奏為減定鹽價之事一摺留覽俟汝等題
本到來再定但汝二人不應如此各執已見也朕今姑
暫從汝議

雍正元年七月初三日巡視兩淮鹽課都察院右

僉都御史臣謝賜履謹

奏為泣陳愚悃恭請節哀以慰下情事雍正元年七
月初一日准督臣查弼納移送本年六月二十五
日恭接

皇太后遺詔一道膳黃到臣跪接之下驚愕哀號撫膺搶地竊思

聖祖仁皇帝賓天之後

皇上孝思純篤哀毀過情減膳悲憂遠送

陵寢天下臣民莫不繫戀今又值

仁壽皇太后升遐

皇上大孝性成超越千古

聖懷悲切自逾尋常臣奉差淮甸不獲親叩

梓宮恭請

聖安然沐

恩深重戀

主情殷伏望

皇上少節哀思保護

聖躬上以答

宗廟

社稷之靈下以慰中外臣民之望為此具摺恭慰

聖懷下情曷勝孺慕謹

奏

知道了朕猶可勉強支持不必爲朕過慮

雍正元年十二月初一日巡視兩淮鹽課都察院

右僉都御史臣謝賜履謹

奏為奏明解過織造銀兩事竊照兩淮應解織造銀兩歷年遵奉已久茲於雍正元年三月十六日奉戶部咨行將江蘇織造銀兩停其支給兩淮應解

銀兩彙行解部臣隨查前任鹽臣魏廷珍於康熙六十一年內未奉部文停止之先兩次解過蘇州織造銀五萬兩咨明戶部部議以朦混支給行令江寧巡撫於違例支給之御史名下追賠等因竊思織造關乎

上供稍或遲延即干嚴譴若部內先有停止之文運司必不肯起解鹽臣又豈敢轉解再本年六月內奉有停止江寧織造之文查前鹽臣魏廷珍經解過

江寧織造銀四萬兩臣任內亦於未經奉文停止
之先節次解過江寧織造銀四萬五千一百二十
兩亦將情由咨明部議行今臣向江寧織造催還
臣節次咨催差催杳無一字回覆竊思停止之文
若經知會江寧織造即不應混催混收既收之後
竟不回覆則錢糧從何著落臣請將解過蘇州織
造銀兩在於審理李煦虧空案內併追將解過江
寧織造銀兩行令曹頻解還戶部伏乞

聖恩俞允庶將來錢糧不敢混收急公者得免貽累矣
謹

奏

照爾所請諭部矣聞何順人甚明白辦事好操守平常
且瞻徇情面汝當勸戒之即將朕旨諭伊知道

雍正二年正月十七日巡視兩淮鹽課都察院右
僉都御史臣謝賜履謹

奏為恭謝

天恩事竊臣齎摺人回蒙

皇上賜臣

御書福字榮幸非常謹望

闕叩頭祇領訖摺內奉有

硃批臣遵即勸戒運司何順據何順跪奏奴才自幼庸
愚初任外官兩淮錢糧重地惟恐不能勝任有負

皇恩今特蒙

聖諭教奴才成人令鹽臣謝賜履勸戒奴才跪聽之下

不勝惶恐

天恩高厚不但奴才感激無地即奴才之祖父亦感戴
於九泉嗣後惟有謹遵

聖訓益加勉勵以圖報效於萬一語所有遵

旨勸戒情由合併回

奏謹

奏

何順若能改過自新則已倘仍怙終不悛爾當密奏以

聞母被伊累及於汝也

雍正二年閏四月初四日巡視兩淮鹽課都察院
右僉都御史臣謝賜履謹

奏為備陳淮商困苦情形仰祈

睿鑒事竊惟兩淮鹽課甲於天下正課之外雜項亦繁
淮商積困已早在

聖明洞鑒中矣查兩淮鹽觔大半銷於江西湖廣二省
長江挽運原屬艱險夏季南風不能前進故每年

有預備鹽數十萬引候南風發時銷售去年因湖
廣總督楊宗仁核減鹽價地棍希圖囤積貴賣一
時強買至五十餘萬引因盡被囤賣以致預備鹽
勛缺少按引計算每引少賣銀一兩即少賣銀五
十餘萬兩商本有限豈能虧折如許迨

欽差核定鹽價後微臣恐誤鹽課多方勸諭各商感戴
皇上洪恩齊心竭蹶趕運以圖報效然商力已竭目下
皆無本營運癸卯綱尚不能開徵通商環庭籲懇

代

題請借運司庫銀濟運分作十年按年加息扣還臣
未奉

聖訓且鹽臣每年更換無徵收之責何敢冒昧具題但
兩淮課餉關係匪輕數月以來運司何順懇詳懇
稟通商江楚吉等哀籲不已臣身肩重任勢難膜
視除督令上緊開徵運銷外合將商困情形據實
奏

聞伏乞

睿鑒謹

奏

題請借帑濟運之說斷乎不可日前俱已經過確然無益之舉也且爾乃一清白人何故作此拖累身家遺患後人之事耶現今楚省百姓甚苦食淡爾與楊宗仁不思悉心竭力籌畫萬要因事不諧欲將此必不准行之事奏朕以爲將來託辭地步則大負朕任用之意矣於

爾奏未到以前已諭廷臣會議令將兩淮兩浙照長蘆一例加鹽矣大約爾等所希冀者無過於此今既遂爾等之願可鼓舞商衆勉力辦運楚省鹽務第一要緊當設法籌畫為商民兩便之舉若仍然置之膜外互相推諉溺職之咎朕不能為爾姑寬也

雍正二年九月十一日巡視兩浙鹽課都察院左副都御史臣謝賜履謹

奏竊臣蒙

皇上隆恩巡視兩淮鹽課臣抵任時查前任鹽臣魏廷珍尚有未銷丁酉戊戌己亥庚子四綱殘鹽并辛丑綱未銷鹽共有二十二萬四千六百五引臣會經

奏明帶銷在案臣任內已帶銷丁戌己庚辛五綱十九萬四千五百三十三引尚有未銷三萬七十二引至臣壬寅一綱除銷過引目外尚有未銷六萬三千四百二十六引再臣奏

旨留任管理癸卯綱除掣運過綱食鹽二十一萬七千
四百八十二引尚有未掣運綱食鹽引今臣調任
兩浙合將前項未銷鹽引一併交與新任鹽臣噶
爾泰督銷除壬寅綱督徵過課銀已經具疏

題報外所有未銷引目交與新任接銷情由理合

奏明伏乞

睿鑒謹

奏

知道了爾但料理交代清楚噶爾泰自當題奏也

同日又

奏竊臣蒙

聖恩命臣巡視兩淮鹽課夙夜兢兢管理壬寅綱一年
商人向有匣雜等費凡督撫各衙門規例以及挑
河築壩緝私火仗文武規禮過客盤費俱出其中
向係各商自收自支鹽臣原不經管前鹽臣魏延
珍因兩淮有積年舊欠銀一百三十五萬餘兩

奏請於此內每年節省銀九萬餘兩湊解臣遵於壬

寅綱在匣雜費內節省銀九萬七千餘兩湊解訖

再臣衙門向有經費銀一萬零三百五十兩為修

理衙署紙張等項及鹽臣日用之需臣除一年用

度外尚節省銀七千兩至癸卯綱經費臣止提銀

一千兩為各場水災賑救之費此外並未曾支用

即生辰節禮亦一槩拒却所有節省銀七千兩現

存運庫聽候撥解臣愚昧寡識惟有自矢無欺以

報

天恩謹

奏

爾之操守朕所深悉何庸爾奏陳耶

雍正三年二月二十五日巡視兩浙鹽課都察院

左副都御史臣謝賜履謹

奏竊臣猥以菲材叨荷

皇恩調任巡視兩浙鹽課抵任以來夙夜兢兢惟有仰

導

有餘

恐未必然

聖訓潔已奉公實心任事以圖報稱於萬一所有一切事宜容臣細加訪察次第奏

聞外惟是兩浙地方私鹽充斥雖飭地方文武官弁嚴加偵緝而販私之徒究未能絕因思鹽產於竈姦徒興販往往勾連竈戶查兩浙各場舊制有聚團煎燒之法今日久廢弛各場竈合聚處煎燒者固多而零星散漫者亦復不少販徒竈戶易於串售

臣今飭行分司場員將散處各竈令其移歸本處
共聚團煎編設保伍易於稽察其各竈戶內有貧
乏不能移者飭場員查明造冊容臣酌量捐給臣
現在親赴杭所嘉所西路等場踏勘相度團聚基
址指示督移俟有成局另行逐一摺

奏則販源可清而引課得以無虧矣為此繕摺具
奏伏乞

皇上睿鑒施行謹

奏

所奏甚屬可嘉惟須實力奉行耳

雍正三年八月二十八日都察院左副都御史降
一級調用仍管理兩浙鹽務臣謝賜履謹

奏竊照兩浙地方私鹽充斥額引難銷文武各官難
於巡緝由煎鹽場竈布置不得其宜俾姦徒易於
興販惟力行舊制聚團煎燒私販可以漸少臣經
具摺奏

聞奉有

俞旨臣於二月初旬已赴杭嘉附近各場查勘相度基址復於五月中遍歷松杭嘉紹各所踏勘盡心稽查務期得當除場竈聚處相宜者無容改移外內有零星散處者令其團聚一處使場員易於稽查亦有逼近私鹽要路易於私售者飭其改移善地則竈戶難於串售臣酌量地宜一一親身指示竈戶內有貧乏不能移者臣量加捐給俱限於秋杪

告竣至於海邊僻壤單戶偷煎者即令折毀今據
各場具報前來臣又委分司再往覆查無異至寧
溫台三府道途遙遠臣不能親往臣已委該知府
查勘移聚現經遵行造冊詳報在案自此兩浙私
鹽可以漸減引課可以無虧除現在場竈數目容
臣於

奏銷時造冊報部外所有查勘各場竈移聚告竣情
由謹繕摺具

奏伏乞

皇上睿鑒施行謹

奏

實屬可嘉行有成規之後惟在嚴守此法勿使移易耳

同日又

奏為奏明兩浙公費事竊照兩浙鹽政所轄溫台寧
三郡逼近海濱鹽難銷售引數無多商力單薄是
以一切雜費向不派及祇有杭嘉紹松四所每年

於每所內點甲商數人凡鹽務內一切公私之費
皆其經管內中有關工食盤費食用必不可省者
固多而不急之務亦復不少大約每年所派不下
四十餘萬兩除

題明歸庫者共二十五萬八千六百九十兩外其餘
雜費陋規勢不能盡行裁去若不斟酌量減核為
一定之規恐甲商受人需索無力阻遏因而多派
則散商資本消乏課額難完臣仰體

皇上愛民恤商徹底澄清之至意倣照兩淮雜費之例
將浮費盡行裁減以恤商裕課謹將應存各項逐一
分析另造減存冊進呈

御覽伏祈

睿鑒謹

奏

覽所奏料理處皆當但朕無暇判斷此等事也總在爾
秉公合宜為之朕之耳目自能照察

硃批諭旨卷三十六

欽定四庫全書薈要卷七千九百二十六

史部

硃批諭旨卷三十七

硃批吳存禮奏摺

康熙六十一年十二月十八日江寧巡撫

臣

吳存

禮謹

奏爲欽奉

上諭事竊照康熙六十一年十二月十六日

臣

接准吏

部咨開奉

旨

先聖主一應硃批諭旨俱著敬謹收集彙繳欽此欽遵敬

惟我

皇上乘乾御宇應運當陽

統六合以敷仁謨烈仰升恒之盛

撫五辰而出治臣民覩作述之隆伏查

臣

自康熙四

十九年陞任滇撫於五十五年調任江撫所有歷

年奏摺除蒙

先聖主已經發部及未奉

硃批者不敢

進呈外今將遵奉

硃批奏摺

臣

按年順序共計四十三封恭呈

御覽此外

臣

斷不敢抄寫存留隱匿燒燬遺失自干重

罪目今江省雨水調勻人民安業米價白米每石
一兩一錢五分按米一兩麥七錢五分豆七錢爲
此繕摺奏

聞伏乞

聖鑒

臣

無任瞻仰之至謹

奏

爾向來居官聲名平常而且偏於軟懦朕初御極一切仰體

皇考深仁厚德六十餘載之用人行政立意保全爾等中外大臣爾諸臣亦當勉力自愛以清正率屬教養百姓撫安疆宇庶克成全朕之孝道諸如收受節禮陋規侵

蝕空糧以及縱容地方豪富等弊若仍蹈前轍怙惡不
悛國法無私噬臍何及查弼納來時朕已曾詳悉面諭
爾其加意振作更改一番方不負朕容爾自新之大恩
也再者爾薦舉叅劾屬員務須一秉至公以鼓舞人材
倘徇私納賄顛倒是非不符衆論則欺誑之愆朕不爲
爾逭也勉之慎之

硃批諭旨卷三十七

欽定四庫全書薈要卷七千九百二十七

史部

硃批諭旨卷三十八

硃批李馥奏摺

雍正元年三月十六日浙江巡撫

臣李馥謹

奏爲密陳閩省情形事竊

臣於本月十四日聞福州

共係

幾人逃往何處細訪密奏以聞

省城有臺匪越獄傷及弁員雖得自風聞未知的

實然念我

皇上留心各省地方無遠不照况閩省係

臣本鄉又與

浙江連界不敢不預爲奏

聞伏祈

睿鑒謹

奏

所奏甚是一切無隱方不負委任封疆重寄不但朕前
理應如此即隣省地方舉錯偶有得失爾等大員亦當
彼此箴規互相勸戒同心合德以奉公敷治與國計民
生大有裨益也勉之

雍正元年四月初一日浙江巡撫臣李馥謹

奏為恭報麥苗情形仰祈

睿鑒事欽惟我

皇上精勤布化感召

天和浙省自入春以來雨澤順時屆今四月正二麥蠶桑

將成之候

臣

委員查看據報麥皆結穗桑葉價賤

蠶事方興其菜豆等亦各照常晴霽旬日便可豐收至於糧價白米每石一兩三錢五分秈米一兩

二錢五分麥九錢五分一俟春熟當更平減所有
麥苗等現在情形臣謹繕摺

奏報仰慰

聖心伏祈

睿鑒謹

奏

據奏雨澤調勻桑麥俱茂農蠶正殷朕覽之不勝欣悅
此皆爾等封疆大吏乂安地方暢遂民情方能感

天和之下應也更宜加勉勿怠

雍正元年五月十二日浙江巡撫臣李馥謹

奏為恭請

聖安以抒愚悃事欽惟我

皇上至孝純篤度越古今

親送

梓宮

躬捧

神主哀動臣民誠格

天地

享殿奉安事畢猶復攀慕無窮至羣臣敦請

還宮然後

回鑾竭誠盡禮實從來所未有者仰惟

孝思罔極誠恐

聖躬過勞臣方在鎖院犬馬依戀之忱未即具摺陳

奏今場務初畢謹繕摺恭請

聖安伏祈從此少節哀思俯慰天下臣民之望臣不勝
迫切瞻依之至謹

奏

朕安不必為朕過慮爾官聲頗好惟前於布政司任內
少有物議亦屬小疵第應懋勉毋懷畏懼也

同日又

奏為恭報春熟收成分數仰祈

睿鑒事竊臣於四月初一日先將二麥情形具報以慰

聖心令據各屬所報高下田畝收成分數不等通計一
省二麥杭州嘉興湖州紹興嚴州溫州台州處州
等府有七八分金華衢州寧波等府有六七分各
處菜豆蠶絲皆有七八分食物價平人情安樂皆
感頌

聖主敬

天勤民所致臣仰體

皇上念切民依至意所有春收分數理合

奏明其閩地近日情形容臣再行密訪具

奏統祈

睿鑒謹

奏

覽奏深慰朕懷但一切摺奏俱當據實直陳若絲毫粉飾即涉於欺隱矣

雍正元年六月十八日浙江巡撫臣李馥謹

奏為遵

旨奏明事臣於三月十六日密陳閩省情形奉

御批

命臣細訪密奏仰見

聖心加意海疆無微不至臣即密令親信子弟四處體訪的實乃敢奏

聞查臺匪越獄六十餘人官兵追至土牛大樟地方當場殺傷及擒回梟示者共五十八人投江溺死及餓斃山中者六人計皆全獲匪類盡絕地方帖然

全閩人民共沐

聖主仁恩安居樂業至於

天語丁寧

諭臣於鄰省地方舉錯偶有得失彼此箴規互相勸戒
仰見我

皇上廓然大公之至意

臣

雖至愚極陋守分不敢越俎

然偶有見聞敢不彼此規戒合德同心共襄

盛治所有閩省近日情形據實

奏明伏祈

睿鑒謹

奏

覽爾所奏朕疑懷已釋君臣一體天下一家休戚相同
何分彼此惟期諸臣共以一誠相孚無絲毫間隔於其
間何慮四海不致昇平蒼生不蒙福澤也隱諱承順最
為陋習朕深不取切不可仰慰朕懷為詞而涉於阿
諛逢迎之跡戒之勉之

再諭粵潮道統之傳堯舜以至周公孔子聖聖相承精
一不雜原無藉於釋道自漢以來三教流傳炳若三光
屹然鼎峙歷千百年而不廢不墜豈非道並行而不相
悖歟吾儒正心率性釋家明心見性元門修心煉性以
言乎體則同聖人之明德新民如來之自利利他太上
之度人無量以言乎用又同中庸曰戒慎乎其所不睹
恐懼乎其所不聞內典云六塵涉境心不隨緣道德經
云不見可欲使心不亂以言乎進修工夫亦未嘗不同

何下士往往以管蠡之見縱橫辯駁以逞其胸臆蓋止
據形迹而論而實未窺其奧蘊也其言以為二氏之學
全無關乎世道人心而孰知有不然者夫積善之家必
有餘慶積不善之家必有餘殃理載於周易善惡之報
如影隨形義著於感應篇四生六道因果輪迴之秘諦
散見於大藏諸經其所以警戒提撕誘掖獎勸若合符
節究其指歸無非勉人為善而已況細而閭閻里巷遠
而海澨山陬有不可以禮樂維持詩書訓導者而二氏

之教皆足以感發其皈向之誠消磨其隱微之慝由是
觀之釋道寧無補於王化也哉試問中國將此三途去
二留一能乎否耶不能則何必分門立戶互相排擠有
若聚訟然顧茲末法黃冠緇流下愚者多率皆餓夫懶
漢苟希利養以故招提蘭若竟成藏垢納污之地此輩
猶如穀之有稗粟之有秕惟在分別孰稗孰秕豈可併
穀粟而概棄之乎朕向來三教並重一體尊崇於奉佛
敬仙之禮不稍輕忽每見章句之士鄙薄二氏動輒輕

蔑擯斥而託名理學者尤甚及考其操履與理學真詮
又大相徑庭此不過井蛙籬鷄之徒耳何足與較浙江
俗稱僧海乃衲子卓錫勝地近十年來不特指月清機
家風透徹者罕見即精通教律者亦未聞其人叢林凋
謝可勝太息汝仰體朕意於公務之餘留心護持使不
至過於寥落傾頽不必著相莊嚴也此諭汝自領會毋
令衆知何也士子聞之徒為好佛之譏釋子聞之致增
我慢之相其中庸流或因而縱肆甚至紊亂清規有干

法紀是朕憐之而反害之也密之

雍正元年七月二十四日浙江巡撫臣李馥謹

奏為夏秋雨澤情形事竊浙省自春收以後高低插
蒔禾苗甚覺滋長及交六月久未得雨臣率屬祈
禱至二十四日得雨雖節次灑潤均未霑足立秋
以來田稻專賴水養而雨澤愆期農望甚殷臣諄
勸竭力屏救一面步禱甘霖竊念我

皇上愛養黎元夙夜軫念

飭諭地方大吏遇郡縣偶有旱澇當先事圖維早為儲備茲者浙省夏秋少雨情形臣謹據實奏

聞嗣後有無雨澤果否成災容臣陸續據實

題達以體

皇仁為此謹

奏

直陳甚是總不可隱諱但浙省民情多詐爾當細心體訪毋被欺瞞况湖港河渠環繞境內水澤頗寬不比他

省雖稍被旱猶可藉人力以施灌溉之功倘致為災爾
即酌量撫恤毋俾失所今歲

上蒼眷祐各省收成雖未報齊大槩俱皆八九分以上惟
爾一省如此亟當省察政事刑名有無舛謬屬員有無
貪劣害民速行整頓庶為弭災之道據奏六月初缺雨
何至七月下旬始行具奏甚為遲誤特諭

雍正元年八月初一日浙江巡撫臣李馥謹

奏為恭謝

天恩密覆

諭旨事七月二十五日臣進摺人回捧到

皇上賜臣

內府磁器二種臣恭迎至署叩頭祇受

聖恩優渥臣何敢當謹什襲珍藏奉爲世寶細繹
御批仰見我

皇上總持萬化廣大精深學無不綜理無不貫雖

治本純儒而

道通二教竊念儒與釋道不同者迹所同者心故妙
明虛靜之常為仁民愛物之本合之中和誠明體
用一源顯微無間臣向閱其書即識闇未解一二
而心敬其說今讀

訓諭益信

聖人之心明通公溥透要會宗非流俗所能窺測萬一
也臣承

旨之後即歷湖山一帶寺院減從瞻禮竊見雲林雲棲

淨慈像教莊嚴威儀整肅即小有傾圯臣當不時
修葺其昭慶香積諸梵宇亦皆完好惟理安法界
深嚴清規恪守寺在衆山之中殿柱簷楹山泉滲
溜宜加整理即為捐資修補至於上天竺山門大
殿於康熙六十年間失火延燒至今未葺臣當次
著相徐徐行之

大率

第捐建俾復舊觀但其僧徒舊貪利養皆屬凡流

臣愚謂建築之後當延請高僧丕振宗風滌除舊

佛道

無益也

習其餘一切叢林臣亦不時瞻仰鼓舞僧衆精進

焚修以祈福

國祐民伏惟

睿鑒謹

奏

修補傾圯固屬善舉萬不宜太過更不必令知朕諭即
理安僧衆亦皆凡庸之流向來規範較他叢林此勝於
彼耳近年來總不見一出色善知識可以振興法教者
人能弘道不得其人亦無可如何朕意不過存其教像

儀則勿致頽敗而已非命爾分外越格相待也可使由之不可使知之特諭

雍正元年九月十四日浙江巡撫臣李馥謹

奏爲直陳司道知府官方事竊查浙江十一府七十

七州縣地方遼濶臣仰體

皇上察吏安民至意於屬員時加密訪緣今歲

考其所辦之事亦足以知其賢否若寄

耳目於人或恐反被欺詐計典在即與督臣滿保同心核實往返詳酌是以不

職之員叅劾稍遲除府縣中一二賢劣密薦特叅

外府佐州縣而下容臣於

計典中分別優劣照例薦糾惟是司道知府有表率
一省一郡之責尤為

聖明加意臣詳看其人品等級敬為我

皇上陳之查布政使傅澤淵按察使王之麟皆年邁六
旬久於其任各稱循分守職而王之麟較為有才
寧台道陳受漣辦事明曉鹽驛道馬鍾峯居心謹
厚各為稱職溫處道蔣敷錫樸愿無他循分辦事

其糧儲道張楷尚未到任嚴州府吳昌祚廉能勤敏臣於

計典中擬定卓異金華府張坦讓守優於才衢州府
靳樹德才優於德並堪鼓勵杭州府張為政年艾
勉力湖州府吳簡民初任勤習寧波府尚瑤拘守
繩尺處州府蘇稷地簡相宜臣各勉其益加勤謹
以期後效其台州府高泓現在試驗再定去留臣
受

恩深重惟恐督率無方何敢少涉偏私以蹈欺罔謹即

言之

所見冒昧直陳中間倘有改節敗檢者仍不時叅

可聽行之殊不易若陽奉陰違有名無實何益之

有必

須確訪嚴緊精勤不怠行之二三年或可有可觀

嚴絕派累期不負

耳

恩過於萬一

諭中事宜其保甲臣已飭力行社倉今歲浙省歉收此舉宜當次第而舉伏祈

睿鑒謹

奏

三年考績黜陟幽明載於虞書國家政事寧猶有重於此者乎向來督撫每值計典非賄賂即請託何異商賈貿易之習其中一塵不染者僅一二人而已非爾等之所企及也既往朕槩不咎向後惟痛改舊弊秉公舉錯以昭示勸懲庶為自愛之道耳

諭李馥聞得杭州府知府張為政人甚昏庸操守亦屬平常縱容此等劣員貽累地方欲望民心舒暢時和年豐豈可得乎但伊曾經朱軾薦舉或保後改絃易轍或

朕聞見不確均未可定爾秉公察覈據實覆奏如果昏庸亟應擯斥以肅官箴即爾近日聲名亦不聞有嘉美之處勉之慎之

雍正元年十二月初四日浙江巡撫臣李馥謹

奏爲恭覆

諭旨事竊查杭州府知府張為政人才操守誠如

聖諭該員歷任十年機巧圓熟隨時變換故前於撫臣

朱軾在任之時頗事修飾薄有聲名及薦舉之後

漸改操守臣入境即提其用事書辦重懲枷責該員畏法稍知收斂然其居心終難保信

皇上聞見至確似此昏庸不勝任之員若再姑容必至貽誤地方臣謹遵不時察叅定例繕本據實糾叅
伏候

聖裁至臣蒙

皇上特拔受非常之

眷渥乃不克自奮勵無出衆之聲名致上煩

聖主諄切訓諭臣雖至愚敢不痛自改悔勉竭駑駘以

圖報效於萬一抑臣更有請者杭為大郡軍民雜

處必得才守兼優之員方克勝知府之任伏祈

皇上特簡賢員補授則於地方既有裨益而臣亦蒙

恩無盡矣謹

奏

知道了杭州府員缺已特簡一能員發往矣雖係簡用
之人亦須留心試看如有與朕旨不符之處仍當據實

直陳不可以誠如聖諭四字將順姑容貽害地方朕近日所用亦不過採取於輿論者非真知灼見之人也爾膺封疆重任干係匪輕一切俱應實體朕心公忠無隱毋得稍事迎合特諭

雍正元年十二月十九日浙江巡撫臣李馥謹

奏為雨雪應期仰慰

聖懷事竊浙省秋旱致厯

宸衷

恩典頻施

天和即應自交十月以後甘雨時降水泉滋長今十二月
十三日宵雨徹晨十四日早大雪達夜自後陸續
得雪積厚盈尺春種在地青葱滋潤今蒙

皇上於通省州縣分別

蠲貸外又荷

特恩改折三郡漕米之半存留優裕且河道流通商販
雲集故米糧價值漸就平減白米每石一兩五錢

私米每石一兩四錢麥子每石一兩臣謹據實奏聞以慰

皇上眷念斯民至意伏祈

睿鑒謹

奏

覽奏雨雪雖云霑足春熟尚難預定且勿據然稱慶爾等封疆大吏果能仰體朕懷正已率屬進賢退不肖實心布惠愛養兵民則

天和下應雨暘之時若朕可以持左券也若縱容貪劣諱盜隱災濫繫酷刑重耗苛斂而妄冀

天庥如何可得朕命爾等分間宣猷爾等之臧否即關朕治理之得失可不勉歟朕如此諄切提命若不痛自省改革除陋習乃所謂自暴自棄也

前者孫文成有捐修磬山之舉向來奉差織造人員往往自任捐修之名而私向地方督撫司道等官假託上意勒令捐助從中反巧取餘利以飽私囊而於正項又

復剋扣借詞某工用費若干種種惡習朕所深悉前經密諭戒伊不可仍循此等作為但此輩皆包衣下小人雖奉嚴諭或恐未必凜遵倘蹈故轍爾等斷不可私相幫助爾等聲名之賢否朕自有鑒察豈肯以封疆大臣之去留決定於微末小人之口爾等若不務本只在枝葉上用心夤緣攀附冀朕見重則大謬矣將孫文成有無假託勒捐之處密奏以聞

雍正二年正月二十二日浙江巡撫臣李馥謹

奏為恭謝

天恩事正月初九日伏奉

御批摺子到杭兼

賜臣

御書福字

臣

恭迎至署叩頭祇領

臣

仰瞻

宸翰龍飛鳳舞日麗星輝

恩光照曜不獨

臣

合門受祉兼使通省生春至杭州府

缺伏蒙

特簡賢員復荷

聖諭諄諄仰見

皇上揀選良吏無非念切斯民臣敢不祇遵

聖訓加意考課斷不敢姑息容隱以自蹈欺罔之咎謹

繕摺

奏謝伏祈

睿鑒謹

奏

朕御極之初諄切降諭寬爾已往誠爾將來孰知竟不
仰體朕意怙終不悛今有江國英一案可愧之事國法
無私朕亦不能為爾寬貸也

硃批諭旨卷三十八

欽定四庫全書薈要卷七十九百二十八

史部

硃批諭旨卷三十九

硃批官達奏摺

雍正五年四月十二日廣東布政使

臣官達謹

奏爲奏

聞事竊臣至愚極陋疊荷

皇恩由包衣大拔置卿班復授粵東布政使恭承

聖訓諄諄又

恩賜摺奏准臣隨事奏

聞自顧何修仰邀

皇上隆恩有加無已敢不夙夜匪懈勵已率屬恪盡職

守仰報萬一

臣

於三月二十二日抵廣東省隨將

面奉

諭旨下與巡撫

臣

楊文乾跪聽即日起程回京

臣

又將

諭旨下與原任布政使今陞巡撫

臣

常賚跪聽訖

臣

即

於是日恭設香案望

闕叩頭謝

恩開印視事首以藩庫錢糧爲重當即下庫盤查據陞

任布政使臣常賚冊開舊管新收項下銀兩除支

發將軍八旗督撫提鎮協標營官兵馬匹俸餉草

價等項外實在存庫銀一十二萬九千一百八十

以陞

任藩司交代舊任錢糧自必四柱相符諒無不清六兩零臣隨取批領卷宗逐一核對四柱相符俱

之處也

皆清楚現在造冊出結交代俟冊藉造完申送署

督臣阿克敦盤查

臨見

題報其四柱內有未經報部欸目俟於

奏銷案內開報合併聲明次以倉穀為要查粵東通
省共額貯穀一百六十二萬四千六百三十七石
零內除雍正四年分平糶存價未買碾支兵米未
補并叅追各案虧空穀石外尚實存倉穀一百一
十萬七千九百六十六石零欽蒙我

皇上軫念粵東去年八月水災將被水之東莞等十一
縣災民

特諭販給其餘未報災之州縣亦因去年水大收成歉薄今春米穀騰貴各屬詳請平糶悉於應糶三穀內撥支散賑減糶除撥支過穀石不能預定俟賑糶畢日各府州縣冊報確數核明報銷外其平糶穀價俱令解貯府庫秋成領買還倉查雍正四年平糶未買展支未補穀石係前撫臣楊文乾任內經手之事理應去年秋收買補因收成稍歉若并買恐致米價愈昂是以皆尚存價據臣管見統俟

今歲秋冬豐收嚴飭各屬照數買穀還倉委員盤
此所奏是總俟孔毓珣楊文乾到後商酌而行惟宜據
查出具印結存案如有捏飾扶同等弊察出將委
實無欺無隱更須防爾屬員之欺隱尤不可沽取屬員
盤出結官一併叅處是否有當伏候
之感悅互相掩蔽以欺瞞督撫
訓旨遵行再蒙

皇上洪仁撥運粵西倉穀三十萬石分貯粵東以備賑
恤之用遵經委員前往領運除未運到穀六萬一
千八百石零委員現在粵西領運其已運到之穀
經督撫臣會同分撥貯倉動支平糶統俟運足平

糶畢日另詳

題報又奉督臣行文據鹽運司詳報商人趙廷佐等

據

阿克敦常賚已經奏過

願捐銀二萬兩以資買米賑給恐一時採買不足

於粵西穀內暫撥應用將所捐銀兩收存藩庫秋
成買穀還倉等因目今穀尚未用銀亦未繳合併
覽

奏明又欽奉

上諭閩粵小民只知種植果木圖取末利不思稼穡為
本種稻以蓄米糧著地方大員留心勸導欽此臣隨

遵奉刊示遍發曉諭務令遵行至於地方之利弊
民風之淳漓與屬員之賢否容臣次第採訪得實
作何興剔舉錯之處另摺請

是秉公除私竭力為之
旨遵行再照粵東雖春初少雨但自三月二十二日大

雨二十三日又雨二十六七日又得微雨閏三月
二十六日以後時沛甘霖雨水調勻粵東州縣可

望收成合併奏

深慰朕懷
聞謹

奏

所奏俱悉

同日又

奏爲奏

聞事竊查粵東南海番禺二縣係省會之地五方雜處

當青黃不接之時不無乏食貧民經署撫臣常賚

會同將軍

臣

石禮哈等倡捐賑粥擇於東門外教

場之旁寬濶地面搭蓋棚廠自四月初一日爲始

文武官員日到廠所監督初四日忽遇颶風大雨
將箭亭吹倒有正黃旗協領申文貴正白旗協領
董安國鑲藍旗協領柳滋洪署廣州府知府胡恂
理事同知王士銓番禺縣知縣唐祖武俱被壓傷
當有瓊州府同知來銑因公到省亦在廠所被壓
受傷獨重越時氣盡并有在廠執事人役五名被
傷身亡除收到同知關防詳委瓊州府知府宗思
聖帶理聽撫臣

題報外所有颶風吹倒箭亭壓傷員役情由臣不敢
隱諱理合據實奏

聞謹

奏

此係亭柱久被蟲蛀朽爛之所致耳類斯業經具題之
事何必爾重複摺奏耶

雍正五年五月二十日廣東布政使臣官達謹

奏爲敬陳管見仰祈

睿鑒事竊照粵東地方自去年八月大水收成稍薄荷蒙我

皇上保惠元元撥粵西穀三十萬石運赴粵東分貯賑濟并動本省糴三穀石減價平糴民賴全活目今四五兩月雨水調和豐收可望時下米價每石賣銀一兩二三錢不等百粵億萬編民咸頌

皇上至誠格

天俾海疆得荷盈寧之慶也臣伏思廣東額貯倉穀并廣

西運到之穀共計一百九十餘萬石內有雍正四年各州縣平糶存價未買及本年賑給平糶并參追各案虧空穀石約計共五十餘萬石約存價銀二十餘萬兩貯在府庫自應責令照數買穀還倉第本地產米有限目下尚未全收若令州縣領價買穀恐致價值騰貴有妨民食必俟秋收之後再於一時驟補不可若因循懈怠不補亦不可朕面諭楊飭各屬買補查上年撫臣文乾甚明總俟伊到粵商酌而行題報水災准部議覆奉

旨允照常平倉折半之例開捐監生一條令湖廣廣西

江西各省生俊購買彼省穀石運赴粵東捐納不
許持銀攬買粵東本地之米捐足賑數即行停止
此誠至善之策但今尚未據有報捐署撫臣常賚
現在咨部請示以臣管見可否請照常平倉捐貢
加級封典贖罪之例聽各處及本地生俊官民咸
赴江西湖廣粵西三省買穀運赴廣東捐納令粵
東各府州縣按照平糶未買穀數收捐并原存穀

共足二百萬石之數為期此例一開生俊踴躍報捐者衆本地米穀無官民并買之擾米價一賤民

食自足通省倉穀又得足額無缺至於現存穀價

此論

甚屬妄謬既有此一條則摺內前後奏詞皆不足

論其是非矣

論其是非矣

銀二十餘萬兩盡行提貯藩庫或候文作何備用

屬員

或解交內部似於倉庫錢糧均有裨益臣為

國計民生起見不揣冒昧敬獻芻蕘仰祈

看爾光景被人所愚矣所以於爾前摺曾經批諭須防

睿鑒如蒙

屬員之欺若任人愚弄則何堪為人上司地方責任甚

俞允臣欽遵一面具詳督撫具

重非此包衣之事僅能自潔已身即為超羣人物也處

題請

承上接下之職而不能馭人則貽悞不淺矣於屬員胥

旨下面行文各府州縣停其買穀將穀價照數解貯司

役極宜留神要緊

庫聽候部文遵行為此具

奏伏祈

爾且勿露朕意試看有懵懂督撫敢具題此等無理之

皇上睿鑒施行謹

疏者手

奏

覽

同日又

奏為奏

聞事竊臣叨荷

皇恩不次簡用犬馬愚衷時切報稱凡有關於

國計民生無不細心採訪冀得確實見諸措施庶不

負我

皇上恭養擢拔隆恩茲於傳聞之下有一大關

流言何大關國體之有

國體之事不得不為我

皇上密陳者緣巡撫臣楊文乾自雍正三年欽奉

特旨巡撫粵東一入境時

招搖者何事

恣意招搖查廣東舊有洋貨

行名曰十三行其實有四五十家楊文乾到任創

立行頭名色僉用六行六行之中又專用兩行為

此事

朕已備知爾未悉實情被人欺誑也

耳目多給資本各處收買貨物壟斷洋行生意遇

有洋船到廣凡報餉上貨等件俱是兩行專理向
來番人到廣聽其自投行主養活數百餘家商民
稱便自立六行之後凡番人交易非六行不能交
貨以致各行貨積如山總無番人敢買延至冬末

不能銷售不得不減折價直賣與六行轉售各商

多有傾本行店無不受害其中抽扣等項名目甚
果若此楊文乾獲利共計若干有實據乎似此捕風捉影之談何可誤信

碾米平糶名色給發重本與候補道員殷邦翰及
廣州府知府樓儼沿河截買客穀前歲冬上年春

粵東穀價不過六錢二三月間因殷道樓守勒買
朕意斷無此理如何行得去即稍有苛刻處或亦奉行

客穀每石止給價銀四錢每石又有加頭三斗各
者之不善楊文乾豈肯圖利乎身揜全省之權設欲射
處穀船聞風不敢來省皆潛泊各小港內躲避以

利何所不可而乃不恤人言甘為此等舉動皆係與伊

有怨之人誣捏斯論思欲傾陷之耳爾何得直信而不

致省內米價騰至二兩七八錢三兩不等時雖設

有米廠仍按一兩二錢平糶無如委員舞弊姦販

疑

每日得買五六次將米挑在街上貨賣高價實在

至云

鄉村窮民守候數日不得買米一次措置乖方怨

文乾

聲載道查楊文乾專用殷邦翰樓儼為心腹羽翼

底一清保委員皆人奉法乎以此能說不能行之空

言何益

路以目親戚相見只一拱手不敢交言皆由殷邦

身為

翰等遣人密捕恐嚇人心所致此皆上年之事臣

布政亦安能辭其過也

臣

未曾目擊不敢遽信追詢之將軍巡撫及司道同

將軍

巡撫

果以

為確

為何

不行

奏聞

常費

為何

不行

勸

臣

勸

臣

勸

臣

勸

臣

官無

不搖

手點

額交

口嘆

為實

事即

今年

三月

臣

勸

臣

勸

臣

勸

臣

勸

止不

過因

爾之

問來

機俾

爾來

惑朕

之耳

目耳

非公

論

臣

勸

臣

勸

臣

勸

臣

到任

日敬

將

也蓋

緣楊

文乾

執法

過嚴

以致

地方

不法

棍徒

并旗

人

人

人

人

人

人

人

人

皇上

諭旨

下與

楊文

乾跪

聽伊

即日

起程

赴京

傳聞

伊

人

人

人

人

人

人

人

輩怨

恨則

誠有

之爾

宜聽

信朕

諭為

是朕

觀人

不至

大

大

大

大

大

大

大

大

到梅

嶺時

嶺上

原有

伊父

親楊

宗仁

去思

碑一

座

人

人

人

人

人

人

人

錯也

被商

民將

猪犬

穢物

塗滿

又將

活羊

一控

去其

頭

人

人

人

人

人

人

人

此舉

明係

一二

無賴

姦巧

棍徒

所為

何足

入摺

陳奏

人

人

人

人

人

人

人

人

足剖

其心

肝腸

肺懸

於嶺

頭樹

上以

辱罵

之楊

文

人

人

人

人

人

人

人

在爾

與楊

文乾

原無

嫌隙

如許

言詞

自皆

係與

楊文

乾

人

人

人

人

人

人

人

乾俯

首而

過竊

臣與

楊文

乾等

從未

謀面

毫無

嫌

人

人

人

人

人

人

人

素有

嫌隙之人

隙但因此

向爾談論者

等事大有關於

朕若

遽信

誣捏

無稽

之言

遂率

爾譴責

大臣

乃大

有闕

國體

臣受

國體

爾不

詳審

事情

妄奏

上官

之過

亦大

有開

國體

恩深

重既

在在

地方

察知

的確

不敢

壅於

上

此六

字甚

有開

係非

可信

口亂

道之

言也

聞不

揣冒

昧陳

奏伏乞

皇上睿覽施行謹


奏

爾此奏非出於有意陷害故無大過但爾被人欺誑矣

向爾造言之人不過欲借爾之詞以搖惑朕耳目之意
楊文乾撫臣中之好者斷不負朕洋行之事早有人奏
聞已面問過楊文乾其中原委朕已詳悉即樓儼亦係
一好員楊文乾實心任事招人怨望則有之其於待人
接物之間欠謙和未免意氣高傲所以同事者每多與
之不協耳巡撫乃爾之上司當極加小心盡禮與之同
心協力俟伊旋任共事一番爾自當知悉也慎毋聽信
離間之言與巡撫不和恐爾反自貽伊戚於伊抵任後

如爾親見有不妥處須以誠心竭力勸阻不可以已往之流言存於胸中而生芥蒂致自悞已身之事也慎之

硃批諭旨卷三十九



總校官庶吉士臣侍朝

校對官編修臣莫瞻菴

膳錄監生臣薛振基